

Ibbendibbendapp

**E Levve lang jerödelt, vill Schotter jemaat.
Jede Penning jeraaf, op de huhe Kant jelaat.
Kniestich wie e Freese, froß hä singe Dress.
Aan d'r Raafjeer versteck. Jetz litt hä en d'r Kess.**

Ibbendibbendapp: nevven d'r Kapp. Eenemeenemutz: usjefutz.

**Et Stina vun d'r Rennbahn hät niemols jewett.
Kei Nümmerche reskeet. Noch nit ens em Bett.
Hät immer jewaat op ne Prinz un si Päd.
Jetz wedde de Würm, wä d'r eeschte Stech määt.**

Ibbendibbendapp: nevven d'r Kapp. Eenemeenemutz: usjefutz.

**Zijarette, Alk un Fraulück hät hä nie probeet.
Nor Rühkoss jefresse. Kackte selver op si Beet.
Beim Autobahnbesetze met dem Hollandrad
Rammp hä ne Truck vum Ökomaat. Nä, wor dä Käl platt.**

Ibbendibbendapp: nevven d'r Kapp. Eenemeenemutz: usjefutz.

**D'r Sänger vun ner Kölsch-Bänd daach: „Ich ben d'r King.
Die hunderttausend Asis he beim Rock om Ring,
die drage mich op Häng!“ Hä sprung vun d'r Bünn.
Dä Gig wor am Engk. Dä Fleck wor jar nit schön.**

Ibbendibbendapp: nevven d'r Kapp. Eenemeenemutz: usjefutz.

**Ne Aasch met Ohre fängk ze laabere aan.
Klopp Rassistespröch, dat mer et nit mih höre kann.
Hä liet keine Jeck elans: Dä Käl es bestuss.
Bei d'r nächste Wahl, do striche ich in us.**

Ibbendibbendapp: nevven d'r Kapp. Eenemeenemutz: usjefutz.

Ibbendibbendapp

Ein Leben lang gerödelt, / viel Schotter gemacht. / Jeden Pfennig gerafft, / auf die hohe Kante gelegt. / Geizig wie ein Widerling, / fraß er seine Scheiße. / An der Raffgier erstickt. / Jetzt liegt er in der Kiste. // Ibbendibbendapp: neben der Kappe. / Eenemeenemutz: ausgefuzt. // Christina von der Rennbahn / hat niemals gewettet. / Kein Nümmerchen riskiert. / Noch nicht mal im Bett. / Hat immer gewartet / auf einen Prinzen und sein Pferd. / Jetzt wetten die Würmer, / wer den ersten Stich macht. // Ibbendibbendapp: (...) // Zigaretten, Alkohol und Frauen / hat er nie probiert. / Nur Rohkost gegessen. / Kackte selber auf sein Beet. / Beim Autobahnbesetzen / mit dem Hollandrad / rammte er einen Truck vom Ökomarkt. / Nein, war der Kerl platt. // Ibbendibbendapp: (...) // Der Sänger einer Kölsch-Band dachte: / „Ich bin der King. / Die hunderttausend Asis / hier beim Rock auf dem Ring, / die tragen mich auf Händen!“ / Er sprang von der Bühne. / Das Konzert war zu Ende. / Der Fleck war gar nicht schön. // Ibbendibbendapp: (...) // Ein Arsch mit Ohren / fängt zu labern an. / Klopft Rassistsensprüche, / dass man es nicht mehr hören kann. / Er übt keine Toleranz: / Der Kerl ist bestusst. / Bei der nächsten Wahl, / da streiche ich ihn aus. // Ibbendibbendapp: (...)



Jean Jülich

© Foto: Michael Mayé 2007